

zcyhen vnd da zcufuße legen so lange, das wir widderheim von dem tage von Nuremberg komen, vnd die ir iezund da habit ouch blißen lasset. Vnd sumet damidte nicht, daran tut ir uns zcu-dangke. Gegeben zcu Aldemborg am sonabunde nach Quasimodogeniti.

Dem rate zcu Lipczk vnsern lieben getruwen.

No. 146. 1426. 15. Apr.

*Hans von der Gane, Vogt zu Meissen verlangt die Absendung der aufgegebenen Anzahl Schützen und Büchsen nach Pirna.*

Mynen fruntlichen willigen dinst zcuuor. Ersamen liben herren vnd vorderern. Vmbe so vil schutzen vnd buchßen, also uch myn gnediger herre geschriben hat gein Ausczk zcu schickenn, wenne ich uch botschafft thun worde, heysse ich uch von myns gnedigen herren wegin, das ir dy uff deß in nehestin frytag zcu obende gein Pirne schicket vnde das yn keynwis vordaldet. Gegeben am montage noch Misericordia domini vnder mynem sigil.

Hanß von der Gane, voit zcu Missin.

Den ersamen vnde wolwysen burgermeister vnd rathmanne zcu Lypczk, mynen gunstigen herren vnd vorderern.

No. 147. 1426. 21. Apr.

*Caspar Rechenberg, Hauptmann zu Aussig verweigert die Verabfolgung des leipziger Kriegsmaterials ohne speciellen Befehl des Kurfürsten und widerspricht den gegen den städtischen Diener Nicolaus Teschener erhobenen Anschuldigungen.*

Mynen fruntlichen dinst. Ersamen wyesin liben frunde. Vmb daz gerete, daz ir hynne czu Awsig habet, daz ir dar vmbe bestalt habet, daz man uch hen heym furen sulde, alz laße ich uch wissen, daz ich dez geretes nicht tar weg laßen furen, ich sege denne myns gnedigen hern briff, vnd gloube ich wol, daz ir mich dar vmbe nicht vordenket. Ouch habe ich derfarn, wy daz ir Nicklaus Teschener in vordechnis habet, der von uuern wegen by mir hynne lyt, alz laße ich uch wissen, daz ich in hynne mit willen behalden habe von myns gnedigen hern wegen, durch dez willen, daz her mir . . vnde willig in allen sachen gewest ist von myns gnedigen hern wegen, daz ich im gerne danke, vnde bitte uch, daz ir nicht gloubet, ab uch imandez anders von im sagete. Gegeben vnder mym ingesigel. Dominica ante Georgii czu Awsig.

Caspar Rechenberg, heutman czu Awsig.

Den ersamen vnde wyesen burgermeister vnde deme ganczen rathe der stat Lipczig, mynen besondern guten frunden.

Zeddel:

Ouch alz [sie] den selben uuern dyner bered haben von der armbroste wegen, dy hynne bleben sind, alz laße ich uch wissen, daz ich den selben uuern dyner Nicklaus mit namen geheissen vnde gebeten habe, dy selben besten armbrost hynne behalden vnd gloube uch wol, in nicht dor vmbe czu vordenkene.